

**საქართველოს მთავრობის
დადგენილება
N 320 2010 წლის 15 ოქტომბერი ქ. თბილისი**

**საქართველოს ოკუპირებულ ტერიტორიებზე საქმიანობის
წარმართვის წესების დამტკიცების შესახებ**

მუხლი 1. “ოკუპირებული ტერიტორიების შესახებ” საქართველოს კანონის შესაბამისად დამტკიცდეს საქართველოს ოკუპირებულ ტერიტორიებზე საქმიანობის წარმართვის თანდართული წესები.

მუხლი 2. დადგენილება, გარდა “საქართველოს ოკუპირებულ ტერიტორიებზე საქმიანობის წარმართვის წესების” მე-7 მუხლის მე-3 პუნქტისა (ნეიტრალური სამგზავრო დოკუმენტის ფარგლებში), ამოქმედდეს გამოქვეყნებისთანავე, ხოლო “საქართველოს ოკუპირებულ ტერიტორიებზე საქმიანობის წარმართვის წესების” მე-7 მუხლის მე-3 პუნქტი (ნეიტრალური სამგზავრო დოკუმენტის ფარგლებში) ამოქმედდეს შესაბამისი საკანონმდებლო ცვლილებების განხორციელების შემდეგ.

პრემიერ-მინისტრი

ნიკა გილაური

დამტკიცებულია
საქართველოს მთავრობის
2010 წლის 15 ოქტომბრის
N 320 დადგენილებით

**საქართველოს ოკუპირებულ ტერიტორიებზე
საქმიანობის წარმართვის წესები**

მუხლი 1. პრეამბულა

საქართველოს მთავრობა სრულად აცნობიერებს და მიესალმება საერთაშორისო და ადგილობრივი ორგანიზაციებისა და საერთაშორისო საზოგადოების ჩართულობის მნიშვნელობას აფხაზეთსა და ცხინვალის რეგიონში/სამხრეთ ოსეთში კონფლიქტის მოგვარებისა და ტრანსფორმაციის საქმეში, ისე, როგორც ეს გაცხადებულია “ჩართულობის სტრატეგიის სამოქმედო გეგმაში”.

საქართველოს ხელისუფლება ოკუპირებულ ტერიტორიებზე მცხოვრებ ადამიანებს თავის მოქალაქეებად მიიჩნევს; შესაბამისად, თავის კონსტიტუციურ მოვალეობად თვლის, ხელში-საწვდომი გახადოს მათთვის ყველა სარგებელი, რომლებითაც გარანტირებულია საქართველოს ნებისმიერი მოქალაქე.

ამ მიზნით საქართველოს მთავრობამ შეიმუშავა “სახელ-მწიფო სტრატეგია ოკუპირებული ტერიტორიების მიმართ – ჩარ-თუ-ლობა თანამშრომლობის გზით” (დამტკიცებულია საქართველოს მთავრობის 2010 წლის 27 იანვრის N107 განკარგულებით) და “ჩართულობის სტრატეგიის სამოქმედო გეგმა” (დამტკიცებულია საქართველოს მთავრობის 2010 წლის 3 ივლისის N885 განკარგულებით), რომლებიც მიმართულია აფხაზეთისა და ცხინ-ვა-ლის რეგიონის/სამხრეთ ოსეთის მოსახლეობის კე-თილ-დღე-ობის გა-უმჯობესებისაკენ. მათთვის და საქართველოს და-ნარ-ჩენი მო-სახ-ლე-ო-ბ-ისთვის გარანტირებული უფლებებით სარ-გებ-ლობის უზრუნ-ველ-ყოფისაკენ, გახლეჩილი საზოგადოების წევ-რებს შორის ურ-თი-ერთობების აღდგენისაკენ.

საქართველოს პარლამენტის მიერ 2008 წლის ოქტომბერს მი-ღე-ბული “ოკუპირებული ტერიტორიების შესახებ” საქართველოს კანონი, რომელშიც 2010 წლის თებერვალს (ვენეციის კო-მი-სიის რეკო-მენდაცი-ე-ბის შესაბამისად) შევიდა ცვლი-ლებე-ბი, სა-ქარ-თველოს მთავრობას ანიჭებს უფლებას, მისცეს თანხ-მობა ოკ-უ-პირებულ ტერიტორიებზე იმ პროგრამებისა და პროექტების გან-ხორციელებას, რომ-ლე-ბიც პასუხობს ჰუმანიტარულ აუცი-ლებ-ლობას და ხელს უწყ-ობს ნდობის აღდ-გენას.

თანხმობის გაცემის წესი კანონის შესაბამისად დადგინდა სა-ქართველოს მთავრობის სამართლებრივი აქტით (საქართველოს მთავრობის 2008 წლის 12 ნოემბრის N219 დადგენილება, ცვლი-ლება შეტანილია 2010 წლის 3 ივ-ლი-ს-ის N180 დად-გენი-ლე-ბ-ით), რომლის თა-ნახ-მადაც, ოკუპირებულ ტერიტორიებზე აკრძა-ლუ-ლი საქმიანობის განხორციელებაზე თანხმობას გასცემს სა-ქარ-თველოს მთავრობა _ განკარგულებით, ხოლო “ჩართულობის სტრა-ტეგიის სა-მოქმედო გეგმის” ფარგლებში _ რეინტეგრაციის სა-კითხვებში სა-ქართველოს სახელმწიფო მინისტრი _ ბრძანებით.

მუხლი 2. საქართველოს ოკუპირებულ ტერიტორიებზე საქმიანობის წარმართვის წესების მიზანი

საქართველოს ოკუპირებულ ტერიტორიებზე საქმიანობის წარ-მართვის წესების (შემდგომში _ წესები) მიზანია უზრუნ-ველ-ყოს ოკ-უპირ-ებულ ტერიტორიებზე “ჩართულობის სტრატეგიის სა-მოქმედო გეგმის” ფარგლებში საქმიანობის კოორდი-ნი-რე-ბი-სა-თვის გამ-ჭვირ-ვალე, ეფექტური მექანიზმის შექმნა. ზემოაღნიშ-ნუ-ლი-დან გა-მომ-დინარე, საქართველოს მთავრობა მხარს უჭერს და ცდი-ლობს, მაქსიმალურად ხელსაყრელი პირობები შეუქმნას აღ-ნიშ-ნულ რეგიონებში მომუშავე ორგანიზაციებს. ნებისმიერი საქ-მი-ა-ნო-ბის წარმართვა ოკუპირებულ ტერიტორიებზე მოხდება სა-ქარ-თველოს მთავრობასა და ჩართულ მხარეებს შორის კონს-ტრუქ-ცი-ული დიალოგის საფუძველზე.

მუხლი 3. ტერმინთა განმარტებები

წესებში გამოყენებულ ტერმინებს აქვს შემდეგი მნიშვნე-ლო-ბ-ები:

ა) **ოკუპირებული ტერიტორიები** – “ოკუპირებული ტერიტორიების შესახებ” საქართველოს კანონის მე-2 მუხლისა და მე-10 მუხლის მე-2 პუნქტით განსაზღვრული ტერიტორიები;

ბ) **გადაუდებელი ჰუმანიტარული დახმარება** – მოსახლეობის სიცოცხლის უფლების უზრუნველსაყოფად მოსახლეობის საკვებით, მედიკამენტებითა და პირველადი მოთხოვნილების საგნებით უზრუნველყოფა;

გ) **აკრძალული საქმიანობა** – ოკუპირებულ ტერიტორიებზე “ჩართულობის სტრატეგიის სამოქმედო გეგმის” ფარგლებში “ოკუპირებული ტერიტორიების შესახებ” საქართველოს კანონის მე-6 მუხლის პირველი პუნქტით განსაზღვრული საქმიანობა;

დ) **განცხადების წარმდგენი** – ნებისმიერი მხარე, რომელიც წარადგენს შეტყობინებას ან პროექტის აღწერილობას ამ წესების მე-4 მუხლის პირველი პუნქტის “ბ” ქვეპუნქტის შესაბამისად. იმ შემთხვევაში, თუ პროექტის აღწერილობა ერთობლივად არის წარმდგენილი, პროექტის აღწერილობის სრულყოფილსათვის ყველა მხარე თანაბრად პასუხისმგებელია.

მუხლი 4. ოკუპირებულ ტერიტორიებზე საქმიანობის განხორციელების წესები

1. ოკუპირებულ ტერიტორიებზე, საქართველოს კანონმდებლობის ფარგლებში, საქმიანობის წარმართვისათვის თანხმობის მიცემის გამარტივებისა და გაუგებრობის თავიდან აცილების მიზნით დადგინდა შემდეგი წესები:

ა) საერთაშორისო და პროექტების განმახორციელებელი პარტნიორი ორგანიზაციების მიერ ოკუპირებულ ტერიტორიებზე გადაუდებელი ჰუმანიტარული დახმარების გასაწევად:

ა.ა) საერთაშორისო ორგანიზაციებმა* საქართველოს ოკუპირებულ ტერიტორიებზე გადაუდებელი ჰუმანიტარული დახმარების წარმართვისათვის შეტყობინება უნდა გაუგზავნონ რეინტეგრაციის საკითხებში საქართველოს სახელმწიფო მინისტრის აპარატს ამ წესების N1 დანართით განსაზღვრული სანოტიფიკაციო ფორმის შევსების გზით;

ა.ბ) გადაუდებელ შემთხვევებში საერთაშორისო ორგანიზაციებს უფლება აქვთ განახორციელონ გადაუდებელი ჰუმანიტარული დახმარება ოკუპირებულ ტერიტორიებზე რეინტეგრაციის საკითხებში საქართველოს სახელმწიფო მინისტრის აპარატში ამ მუხლის პირველი პუნქტის “ა.ა” ქვეპუნქტით გათვალისწინებული სანოტიფიკაციო ფორმის შევსების გარეშე. შეტყობინების ვალდებულება ძალაში რჩება გადაუდებელი ჰუმანიტარული დახმარების განხორციელების შემდეგ, შემთხვევის დაგვარად მოკლე ვადაში;

* შენიშვნა: წითელი ჯვრის საერთაშორისო კომიტეტის მანდატისა და მისი საქმიანობის პრინციპების გათვალისწინებით, ეს წესები არ ვრცელდება მის საქმიანობაზე.

ბ) საერთაშორისო და პროექტების განმახორციელებელი პარტნიორი ორგანიზაციების მიერ ოკუპირებულ ტერიტორიებზე აკრძალული საქმიანობის განსახორციელებლად:

ბ.ა) საერთაშორისო ორგანიზაციამ, რომელიც საქართველოში ახორციელებს საქმიანობას საქართველოს მთავრობასთან დადებული შეთანხმების საფუძველზე, პროექტის შესახებ შეტყობინება უნდა გაუგზავნოს რეინტეგრაციის საკითხებში საქართველოს სახელმწიფო მინისტრის აპარატს ამ წესების N2 დანართით განსაზღვრული სანოტიფიკაციო ფორმის შევსების გზით;

ბ.ბ) პროექტების განმახორციელებელმა პარტნიორმა ორგანიზაციამ უნდა შეავსოს ამ წესების N3 დანართით გათვალისწინებული სანოტიფიკაციო ფორმა და რეინტეგრაციის საკითხებში საქართველოს სახელმწიფო მინისტრის აპარატში განსახილველად წარადგინოს განსახორციელებელი საქმიანობის პროექტის აღწერილობა და საქართველოში მეწარმეთა და არასამეწარმეო (არაკომერციული) იურიდიული პირის რეესტრში რეგისტრაციის ამონაწერი;

გ) პროექტის განმახორციელებელ პარტნიორს პროექტის აღწერილობა შეუძლია წარადგინოს რეინტეგრაციის საკითხებში საქართველოს სახელმწიფო მინისტრის აპარატში დონორ(ებ)თან ერთობლივად. იმ შემთხვევაში, თუ პროექტის განმახორციელებელი პარტნიორი ოკუპირებულ ტერიტორიებზე არსებული ადგილობრივი ორგანიზაციაა, რომელიც მოკლებულია საშუალებას, და რეგისტრირდეს საქართველოს კანონმდებლობის შესაბამისად, დონორზე გადადის რეინტეგრაციის საკითხებში საქართველოს სახელმწიფო მინისტრის აპარატში შეტყობინების და პროექტის აღწერილობის წარდგენის ვალდებულება.

2. რეინტეგრაციის საკითხებში საქართველოს სახელმწიფო მინისტრის აპარატი 21 სამუშაო დღის განმავლობაში გამოთქვამს შენიშვნებს წარდგენილ პროექტთან დაკავშირებით. შენიშვნების არარსებობის შემთხვევაში, პროექტის განხორციელებაზე თანხმობა ფორმდება რეინტეგრაციის საკითხებში საქართველოს სახელმწიფო მინისტრის ბრძანებით.

3. თუ პროექტის წარმდგენი ამ მუხლის მე-2 პუნქტით დადგენილ ვადაში არ მიიღებს შენიშვნებს წერილობითი ფორმით, ითვლება, რომ პროექტის განხორციელებაზე თანხმობა გაცემულია.

4. იმ შემთხვევაში, თუ წარდგენილი პროექტი არ შეესაბამება ამ წესებით განსაზღვრულ მოთხოვნებს, რეინტეგრაციის საკითხებში საქართველოს სახელმწიფო მინისტრის აპარატი დაინტერესებულ პირს ხარვეზის შესავსებად დაუდგენს ვადას, რომელიც არ უნდა აღემატებოდეს 10 სამუშაო დღეს. აღნიშნულ ვადაში საქმისწარმოება შეჩერებულად ითვლება.

5. პროექტის სირთულიდან გამომდინარე, თუ საჭიროა დამატებითი ინფორმაციის გამოთხოვა, ამ მუხლის მე-4 პუნქტით დადგენილი ვადა შეიძლება გაგრძელდეს 10 სამუშაო დღით. დაინტერესებული პირი წერილობით უნდა იქნეს გაფრთხილებული ვადის გაგრძელების თაობაზე.

6. პროექტის წარმდგენს შეუძლია წინასწარ გაიაროს კონ-სულ-ტაციები რეინტეგრაციის საკითხებში საქართველოს სა-ხელ-მწი-ფო მინისტრის აპარატში განსახორციელებელ პრო-ექ-ტ-თან და-კავშირებით.

7. იმ შემთხვევაში, თუ რეინტეგრაციის საკითხებში სა-ქარ-თვე-ლოს სახელმწიფო მინისტრის აპარატი გამოთქვამს შე-ნიშ--ვნებს პროექტთან დაკავშირებით, იგი შეხვდება პროექტის წარ-მომ-დგენის დონორ ორგანიზაციას საკითხის გადაწყვეტის მიზ-ნით. იმ შემთხვევაში, თუ დონორი ორგანიზაცია არ მოისურვებს ჩა-ერთოს მო-ლაპარაკების პროცესში, პროექტის წარმდგენს თა-ვად ექ-ნება სა-შუალემა, შეხვდეს რეინტეგრაციის საკითხებში სა-ქარ-თვე-ლოს სა-ხელმწიფო მინისტრის წარმომადგენლებს სა-კით-ხის მო--საგვარებლად.

8. პროექტის განხორციელებაზე უარი შეიძლება გასა-ჩი-ვ-რ-დეს სასამართლოში მოქმედი კანონმდებლობით დადგენილი წე-სით.

9. იმ შემთხვევაში, თუ პროექტით გათვალისწინებული საქ-მიანობის განსახორციელებლად პროექტის წარმდგენს, საქარ-თვე-ლოს კანონმდებლობის თანახმად, ესაჭიროება ლიცენზია, რე-გის-ტრაცია ან სხვა ნებართვა, რეინტეგრაციის საკითხებში სა-ქარ-თვე-ლოს სახელმწიფო მინისტრის აპარატი ხელს შეუწ-ყობს მას აღ-ნიშნული საკითხების მოგვარებაში, შესაბამისი კონ-სულ-ტაციების გაწევის გზით.

10. ორგანიზაცია, რომელიც განახორციელებს საქმი-ა-ნო-ბას საქართველოს ოკუპირებულ ტერიტორიებზე, ვალდებულია, ექვს თვეში ერთხელ წარადგინოს ინფორმაცია პრო-ექტის მიმდი-ნა-რეობის შესახებ რეინტეგრაციის სა-კითხებში საქართველოს სახელმწიფო მინისტრის აპარატში. თუ დონორი წარმოადგენს სა-ერთაშორისო ორგანიზაციას ან საერთაშორისო განვითარების სა-აგენტოს, ასეთ შემთხვევაში პროექტის მიმდინარეობის შე-სა-ხებ ინფორმაცია შეიძლება ერთობლივად წარადგინონ პროექტის გან-მახორციელებელმა ორგანიზაციამ და დონორმა, ან მხოლოდ დო-ნორმა იკისროს პასუხისმგებლობა ინფორმაციის წარდგე-ნი-სა-თვის. თუ პროექტს რამდენიმე დონორი ჰყავს, მაშინ მათ სოლი-და-რუ-ლად ეკისრებათ პასუხისმგებლობა ინფორმაციის წარდგე-ნი-სა-თვის. დონორებმა უნდა დანიშნონ ერთ-ერთი დონორი, რო-მე-ლიც პა-სუ-ხისმგებელი იქნება აღნიშნული ვალდებულების შეს-რუ-ლე-ბისათვის.

11. რეინტეგრაციის საკითხებში საქართველოს სახელ-მწიფო მინისტრი ოკუპირებულ ტერიტორიებზე განსახორ-ცი-ელ-ებ-ელი საქმიანობის შესახებ ინფორმაციას წარუდგენს საქარ-თვე-ლოს მთავრობას.

მუხლი 5. საკონსულტაციო საბჭო

1. რეინტეგრაციის საკითხებში საქართველოს სახელ-მწი-ფო მი-ნისტრის აპარატი ყოველწლიურად გაივლის კონსულ-ტა-ცი-ებს დო-ნორებთან ოკუპირებულ ტერიტორიებზე გან-სახორ-ცი-ელ-ებელ პროექტებთან დაკავშირებით, პოლიტიკის ძირითადი მი-მარ-თუ-ლე-ბ-ებისა და პრიორიტეტების საკითხების თაობაზე.

2. ინფორმაციის ეფექტურად ურთიერთგაცვლისა და კონ-სულ-ტაციების გამართვის მიზნით რეინტეგრაციის საკითხებში სა-ქარ-თვე-ლოს სახელმწიფო

მინისტრის აპარატი 6 თვეში ერ-თ-ხელ შეხვდება პროექტების განმახორციელებელ პარტნიორებს.

3. ნებისმიერი მხარე უფლებამოსილია, მოი-თხო-ვოს არა-გეგ-მური შეხვედრა როგორც რეინტეგრაციის საკით-ხებ-ში სა-ქარ-თვე-ლოს სახელმწიფო მინისტრის აპარატთან, ისე სხვა პარ-ტნი-ორ-ებთან.

მუხლი 6. ოკუპირებულ ტერიტორიებზე განსახორციელებელი პროექტის შეფასების კრიტერიუმები

პრო-ექ-ტებმა უნდა დააკმაყოფილოს ის კრიტერიუმები, რომ--ლებიც მათი საქმიანობისა და მიზნების რე-ლევანტურია, კერ-ძოდ:

ა) პროექტი თანხვედრაშია საქართველოს კანონ-მდებლო-ბას-თან, ოკ-უპირებული ტერიტორიების მიმართ ჩართულობის სტრა-ტე-გიასთან, “ჩართულობის სტრატეგიის სამოქმედო გეგ-მა-სა” და საერთაშორისო სამარ-თალ-თან;

ბ) ორგანიზაციას გააჩნია კონფლიქტის მოგვარებისა და კონ-ფლიქტის ტრან-სფორმაციის ხელშემწყობი მიზანი;

გ) პროექტის მიზანია კონფლიქტის მშვიდობიანი მოგვა-რე-ბა, ომ-ის შედეგად გახლეჩილი საზოგადოების წევრებს შორის ნდო--ბის აღდგენა, ადამიანის უფლებების დაცვა, იძულებით ად-გილ-ნაცვალ პირთა რეპატრიაცია, ომით დაზარალებული მო-სა-ხ-ლე-ობის ცხოვრების პირობების გაუმჯობესება;

დ) პროექტი ხელს უწყობს ადამიანებს შორის ურთი-ერ-თო-ბ-ების აღ-დგენას და ამ მიზნით პროცესში რთავს ოკუპირებულ ტე-რი-ტორიებზე ამჟამად მცხოვრებ და ამ ტერიტორიებიდან დევ-ნილ მოსახლეობას;

ე) ოკუპირებულ ტერიტორიებზე პროექტები ხორციელდება ად--გი-ლობრივ ნებაყოფლობით გაერთიანებებთან თანა-მშრო-მ-ლო-ბით. პროექტში უნდა ჩანდეს, თუ რამდენად ღირებულია იგი სხვა მსგავს პროექტებთან შედარებით; ასევე ნათლად უნ-და გა-მო-იკვეთოს პროექტის მოსალოდნელი შედეგები.

მუხლი 7. განსაკუთრებული წესები

1. პროექტების განხორციელებისას ნებისმიერი ორგა-ნი-ზა-ცი-ის წარმომადგენელი („ოკუპირებული ტერიტორიების შესახებ“ საქართველოს კანო-ნით დადგენილი გამონაკლისი შემთხვევების გარდა) უნ-და შევიდეს ოკუპირებულ ტერიტორიებზე „ოკუპი-რე-ბუ-ლი ტე-რი-ტორიების შესახებ“ საქართველოს კანონით დადგე-ნი-ლი მი-მარ-თულებიდან.

2. პროექტის დოკუმენტაციაში გამოყენებული ტერმინები უნ---და შეესაბამებოდეს საქართველოში მისაღებ ქართულ ტერმი-ნებს და ადეკვატურად ითარგმნოს სხვა ენებზე.

3. იმ შემთხვევაში, თუ პროექტით გათვალისწინებულია ოკ--უპირებულ ტერიტორიებზე მცხოვრები ადამიანების საქარ-თვე-ლოს საზღვრებს გარეთ გაყვანა, ამ ადამიანების მგზავრობა უნ-და განხორციელდეს ან საქართველოს საზღვარგარეთის პას-პორ-ტით, ან ნეიტრალური სამგზავრო დოკუმენტით.

4. ნებისმიერი ფინანსური ოპერაცია/გარიგება უნდა განხორციელდეს მოქმედი კანონმდებლობის შესაბამისად.

დანართი N1

სანოტიფიკაციო ფორმა N1

საქართველოს ოკუპირებულ ტერიტორიებზე გადაუდებელი ჰუმანიტარული დახმარების წარმართვისათვის

ზოგადი ინფორმაცია

ორგანიზაციის სახელი	
მისამართი	
ტელეფონი	
ელექტრონული ფოსტა	
ვებგვერდი	
ინფორმაცია რეგისტრაციის შესახებ (რეგისტრაციის არსებობის შემთხვევაში)	
ორგანიზაციის მისიის აღწერა	
საკონტაქტო პირი (სახელი, გვარი, ტელეფონი, ელექტრონული მისამართი)	

ინფორმაცია გადაუდებელი ჰუმანიტარული დახმარების აუცილებლობის შესახებ

ჰუმანიტარული მდგომარეობის აღწერა (რით არის გამოწვეული, რომელ გეოგრაფიულ არეალს მოიცავს ჰუმანიტარული მდგომარეობის მიერ გამოწვეული შედეგები)	
ჰუმანიტარული დახმარების სახეობა	
ჰუმანიტარული დახმარების	

რაოდენობა	
დონორები	
გადაუდებელი ჰუმანიტარული დახმარების გაცემის ვადა (ერთჯერადი, მრავალჯერადი)	
გადაუდებელი ჰუმანიტარული დახმარების შეტანის მიმართულება და პროპორციები	
დამატებითი ინფორმაცია	

დანართი N2

სანოტიფიკაციო ფორმა N2

სახელმწიფოთაშორისი ორგანიზაციებისა და საერთაშორისო განვითარების ორგანიზაციებისათვის, რომლებიც ახორციელებენ საქმიანობას ოკუპირებულ ტერიტორიებზე საქართველოს მთავრობასთან დადებული შეთანხმებების თანახმად

ზოგადი ინფორმაცია

ორგანიზაციის სახელი	
მისამართი	
ტელეფონი	
ელექტრონული ფოსტა	
ვებგვერდი	
ორგანიზაციის მისიის აღწერა	
საკონტაქტო პირი (სახელი, გვარი, ტელეფონი, ელექტრონული მისამართი)	

ინფორმაცია განსახორციელებელი პროექტის შესახებ

პროექტის სახელი	
პროექტის სტატუსი (მიმდინარე, იდეა, დაფინანსებული,	

გაგრძელებული)	
დონორ(ებ)ი (დასახელება და საკონტაქტო ინფორმაცია)	
პროექტის მიზანი	
პროექტის მოსალოდნელი შედეგები	
დაწყების თარიღი	
დასრულების თარიღი	
დამატებითი ინფორმაცია	

დანართი N3

სანოტიფიკაციო ფორმა N3

ოკუპირებულ ტერიტორიებზე არასამეწარმეო საქმიანობის განხორციელებისათვის

ზოგადი ინფორმაცია

ორგანიზაციის სახელი	
პროექტი ერთობლივად არის წარდგენილი დონორისა და პროექტის წარმდგენის მიერ	
კი/არა	
დადებითი პასუხის შემთხვევაში: დონორ(ებ)ის დასახელება	
მისამართი	
ტელეფონი	
ელექტრონული ფოსტა	
ვებგვერდი	
ინფორმაცია რეგისტრაციის შესახებ	
ორგანიზაციის მისიის აღწერა	
პროექტები	

(მიმდინარე/დასრულებული)	
საკონტაქტო პირი (სახელი, გვარი, ტელეფონი, ელექტრონული მისამართი)	

ინფორმაცია განსახორციელებელი პროექტის შესახებ

პროექტის სახელი	
პროექტის სტატუსი (მიმდინარე, იდეა, დაფინანსებული, გაგრძელებული)	
დონორ(ებ)ი (დასახელება და საკონტაქტო ინფორმაცია)	
პროექტის მიზანი	
პროექტის მოსალოდნელი შედეგები	
დაწყების თარიღი	
დასრულების თარიღი	
ფინანსური ინფორმაცია (მოსალოდნელი ბიუჯეტი, რესურსები, საბანკო ინფორმაცია)	
ინფორმაცია ადგილობრივი პარტნიორების შესახებ (დასახელება და საკონტაქტო ინფორმაცია)	
ოკუპირებულ ტერიტორიებზე გამგზავრების მოსალოდნელი განრიგი	
დამატებითი ინფორმაცია	